

Alegât a la Deliberazion dal C.P. n. 8 dai 27.02.2003

***REGOLAMENT
PAL ÎS DAL STEME, DAL CONFENON, DE FASSE
TURCHINE, DE BANDIERE DE PROVINCIE, DE BANDIERE
DE REPUBLICHE TALIANE, DE UNION EUROPEANE, DE
REGJON AUTONOME FRIÛL VIGNESIE JULIE***

TABELE DAI ARTICUI

CJÂF I - DISPOSIZIONS GJENERÂLS

Art. 1 Ogjet dal Regolament	pagj. 1
Art. 2 Partecipazion de Provincie a cerimoniis	pagj. 1

CJÂF II - IL STEME PROVINCÎAL

Art. 3 Descrizion dal steme	pagj. 1
Art. 4 Steme e custodie	pagj. 2
Art. 5 Improibizion dal ûs dal steme	pagj. 2
Art. 6 Riproduzion dal timbri uficiâl	pagj. 2

CJÂF III - IL CONFENON

Art. 7 Descrizion dal Confenon	pagj. 2
Art. 8 Custodie dal Confenon	pagj. 2
Art. 9 Ûs dal Confenon	pagj. 3
Art. 10 Cerimoniis religjosis, processions, compagnaments di funerâi e memoreaments	pagj. 3

CJÂF IV - ESPOSIZION DES BANDIERIS FÛR DAI EDIFICIS DE PROVINCIE

Art. 11 Lis bandieris de Republiche Taliane, de Union Europeane, de Regjon Autonome FVG e la bandiere provinciâl	pagj. 4
Art. 12 Regulis pe esposizion des bandieris	pagj. 5
Art. 13 Timps di esposizion	pagj. 5
Art. 14 Esposizion des bandieris dentri dai edificis de Provincie	pagj. 6
Art. 15 Esposizion des bandieris tes cerimoniis	pagj. 6
Art. 16 Nomine dal responsabil dal procediment	pagj. 6

CJÂF V - LA FASSE TURCHINE

Art. 17 Ûs de fasse turchine	pagj. 7
------------------------------	---------

CJÂF VI - NORME FINÂL E JENTRADE IN VORE

Art. 18 Norme finâl e jentrade in vore	pagj. 7
--	---------

CJÂF I

DISPOSIZIONS GJENERÂLS

ART. 1

Ogjet dal regolament

1. Chest regolament al dissipline l'ûs dal steme, dal confenon e de fasse turchine, des bandieris de Republiche Taliane, de Union Europeane e de Regjon Autonome Friûl Vignesie Julie e de bandiere de Provincie. Al ven fat bon tant che aplicazion dal Statût provinciâl, de leç dai 5 di Fevrâr dal 1998 n.22, dal D.P.R. 7 di Avrîl dal 2000 n.121 e de L.R. dai 27 di Novembar dal 2001, n. 27.

ART. 2

Partecipazion de Provincie a cerimoniis

1. Lis partecipacions de Provincie a cerimoniis publichis cul confenon e cu la fasse turchine lis dispon il President.
2. La partecipazion dal confenon le compagne il President o un so delegât.
3. Se no gambie la assegnazion dai puescj, il President, la Zonte e i Conseîrs Provinciâi a seguissin il confenon provinciâl tal cors de cerimonie.
4. Il Setôr competent al visarà par timp il personâl che al à di davuelzi il servizi.

CJÂF II

IL STEME PROVINCÎAL

ART.3

Descrizion dal steme

1. Il steme de Provincie al è stât acordât cul decret dal President de Republiche ai 30.04.1976.

2. Il steme araldic al à par blason un scût turchin bordât di aur. Parsore dal scût, la Dee Concuardie vistude e ten te man drete une cimute di ulîf naturâl e te çampe un cuar di aur plen di pomis naturâls; sot de ponte dal scût, suntune liste turchine cu lis pontis doplis, il sproc in caratars romans maiuscui neris “CONCORDIA PARVAE RES CRESCUNT”. I ornaments difûr a son chei de Provincie.

- 1 -

ART. 4

Steme e custodie

1. Il steme al è stât riprodusût tal timbri de Provincie pe identificazion dai ats e dai documents, di mût di rindiju uficiâi e legâi a ogni efiet di leç.

ART. 5

Improibizion di ûs dal steme

1. Il steme al è di proprietât de Provincie e al è improibît, a cuicusseï, di doprâlu, di riprodusilu su bandieris, standartis e altri, fûr che tai câs autorizâts, come che al dîs il come 2 di chest articul.

2. Il President al pues autorizâ l'ûs e la riproduzion dal steme de Provincie a Ents o a Istituzions ancje par fins no istituzionâi, o a privâts, tai câs di interès public.

ART. 6

Riproduzion dal timbri uficiâl

1. A ûs di certificazion, i Dirigjents a puedin domandâ la riproduzion dal timbri uficiâl, ancje cu la indicazion dal ufici assegnât a lis riproduzions.

2. I consegnataris dai timbris a àn di custodîju cun cure e a 'ndi son responsabii.

CJÂF III

IL CONFENON

ART. 7

Descrizion dal Confenon

1. Il confenon, di fate regolamentâr, al riprodûs il steme de Provincie cul drap di doi colôrs, turchin e zâl, insiorât cun fins ricams di aur e tal centri la iscrizion dorade “Provincie di Pordenon”.

ART. 8

Custodie dal Confenon

1. Il confenon si custodissilu pal solit te sale dal Consei, a çampe de bandiere nazionâl.

- 2 -

ART. 9 Ûs dal Confenon

1. In dutis lis mostris e in dutis lis cerimoniis, il confenon al sta dûr de bandiere nazionâl, che e je tal puest di onôr.

2. Il confenon al va in mostre sul barcon o dentri de sede provinciâl a fieste grande, cu la bandiere de Republiche Taliane, cun chê de Union Europeane e cun chê de Regjon Autonome Friûl Vignesie Julie.

3. Il confenon al ven mostrât simpri sot, o dopo, de bandiere nazionâl.

4. I fasin di scorte di onôr al confenon de Provincie trê dipendents in alte uniforme: un al ten sù il confenon, chei altris si metin un par bande.

Il servizi di scorte lu davuelzin ancje i agjents de vigilance su la pescje e su la cjace.

ART. 10 Cerimoniis religjosis, processions, corteus di funerâi e memoreaments

1. Cuant che la rapresentance de Provincie e cjape part a cerimoniis religjosis tai lûcs di cult, il confenon al starà a çampe dal altâr o tun puest cu la stesse funzion. Cussì si lu metarà ancje pe Messe tal cjamp.

2. Cundiplui:

- tes processions religjosis il confenon al starà in bande o subit daûr dal Clericam, tal stes ordin dal prin come. Chês altris rapresentancis, cun o cence bandieris, si unissaran daûr dal lôr grât;

- Tai corteus di funerâi lis bandieris a laran in bande des baris o a vierzaran lôr i corteus;

- Tai corteus par memoreaments o ta chês altris occasions civîls o patriotichis impuartantis, al confenon de Provincie i va risiervât il puest di onôr dongje de bandiere nazionâl e di chês altris decoradis al valôr civîl o militâr. Lis bandieris di altris organizacions a van te seconde file dal corteu, in bande des lôr rapresentancis.

- 3 -

CJÂF IV

ESPOSIZION DES BANDIERIS DENTRI DAI EDIFICIS DE PROVINCIE

ART. 11

Le bandiere de Republiche Taliane, de Union Europeane, de Regjon Autonome Friûl Vignesie Julie e la bandiere provinciâl

1. Lis bandieris de Republiche Taliane, de Union Europeane, de Regjon Friûl Vignesie Julie e de Provincie a vegnin metudis in esposizion fûr de sede provinciâl e di chei altris edificis provinciâi in orari di ufici, daûr des disposizions in merit dal Ufici Teritoriâl dal Guvier. Se la zone e je vonde ben iluminade, lis bandieris a puedin restâ in esposizion ancje dute la gnot.
2. Dentri di trente dîs de jentrade in vore di chest regolament, cuntune determinazion dirigjenziâl di pueste, a vegnin sielzûts chei altris edificis provinciâi dulà che a restaran in esposizion lis bandieris e la bandiere provinciâl ta chestis zornadis:
 - a) 7 di Zenâr (Fieste de Bandiere Taliane), 11 di Fevrâr (Pats Lateranens), 25 di Avrîl (Liberazion), 1n di Mai (fieste dal lavôr), 9 di Mai (zornade de Europe), 2 di Jugn (fieste de Republiche), 28 di Setembar (insurezion popolâr di Napoli), 4 di Otubar (Sant Patron de Italie), 4 di Novembar (fieste de Unitât nazionâl);
 - b) 24 di Otubar (zornade des Nazions Unidis); insiemit cu lis cuatri bandieris e va metude fûr ancje chê des Nazions Unidis;
 - c) in altris fiestis, daûr des diretivis buridis fûr câs par câs dal President dal Consei dai Ministris, o dal Prefet.

- 4 -

ART. 12

Regulis pe esposizion des bandieris

1. Lis bandieris de Republiche Taliane, de Union Europeane e de Regjon Autonome Friûl Vignesie Julie a van metudis fûr une dongje di chê altre su astis o su macis de stesse altece ta chest ordin, a rimpet dal palaç:
UNION EUROPEANE - ITALIE - REGJON FVG - PROVINCIE.
2. Te zornade des Nazions Unidis – ai 24 di Otubar – cu lis cuatri bandieris nomenadis tal come 1n, e vignarà metude fûr ancje la bandiere des Nazions Unidis, a rimpet dal palaç, ta chest ordin:
UNION EUROPEANE - ITALIE - ONU - REGJON FVG - PROVINCIE.
3. La bandiere taliane e va tal puest di onôr. Si alcile par prime e si tirile jù par ultime.
4. Par quartâ corot lis bandieris a stan a mieze aste. Si pues inserî dôs strichis di vêl neri fra il pâl e i fiers.

5. Lis bandieris a van tignudis fûr in bon stât, ben viertis, cence figuris, ni scritis ni letaris, nancje su la aste.

6. Su ogni aste e va metude dome une bandiere.

ART. 13

Timps di esposizion

1. In ocasion des riunions dal Consei provinciâl tun puest diferent de sede, lis bandieris a van metudis fûr apene che a tachin a lavorâ i uficis, te zornade di convocazion des sedudis, e a vegnin tiradis jù apene che si sierin i lavôrs dal Consei.

5 -

ART. 14

Esposizion des bandieris dentri dai edificis provinciâi

1. Dentri dai edificis provinciâi lis bandieris de Republiche Taliane, de Union Europeane e de Regjon Autonome Friûl Vignesie Julie a sono in esposizion:

- tal Ufici dal President de Provincie;
- te sale de Zonte Provinciâl;
- te Sale dal Consei provinciâl o tune altre sede dulà che il Consei al è stât clamât dongje, in câs particolârs;
- tal ufici dal President dal Consei;
- tal ufici dal Segretari Gjenerâl.

2. Tal Ufici dal President dal Ent, dal President dal Consei e dal Segretari Gjenerâl si met fûr ancje il ritrat dal Cjâf di Stât.

3. Lis bandieris nazionâls, chê europeane e chê regjonâl, di grandece compagne, a van metudis fûr su astis poiadis par tiere e dongje des scrivaniis o de taule de presidence dal Consei provinciâl.

4. La bandiere nazionâl e va tal puest di onôr a drete o al centri.

5. Par quartâ corot si zontin a lis bandieris dôs strichis di vêl neri.

ART. 15

Esposizion des bandieris tes cerimoniis

1. Tes cerimoniis publichis la bandiere taliane e cjape il prin puest e tai funerâi si zontin dôs strichis di vêl neri.

2. Dentri e difûr dai edificis provinciâi si metin in esposizion bandieris di Paîs forescj dome tai câs di cunvignis, di incuintris, di visitis uficiâls di personalitât forestis.

ART. 16
Nomine dal responsabil dal procediment

1. Dentre di trente dîs de jentrade in vore di chest regolament, cun determine dirigjenziâl, a vegnin nomenâts i responsabii pe verifiche de juste esposizion des bandieris dentre e difûr dai edificis provinciâi e i lôr delegâts.

- 6 -

CJÂF V

LA FASSE TURCHINE

Art.17

Ûs de fasse turchine

1. Il distintîf dal President e je la fasse turchine, che e va puartade a tracole, cul steme de Republiche e cun chel de Provincie.

2. L'ûs de fasse al è esclusîf dal President, che al pues fâsi rapresentâ di un delegât che le puarte tal so puest.

CJÂF VI

NORME FINÂL E JENTRADE IN VORE

Art.18

Norme finâl e jentrade in vore

1. Par ce che nol è scrit achì a valin lis disposizions de leç dai 5 di Fevrâr dal 1998 n.22, dal D.P.R. 7 dal mê di Avrîl dal 2000 n. 121 e de L.R. dai 27 di Novembar dal 2001, n. 27.

2. Il regolament al jentre in vore la prime dì dal mê dopo de date di esecutivitât de delibare di aprovazion.

7 -